

mapapaini

Tu lingatu a micudad i cacudadan, tada tarakaw ci Bahi aci Hana sisa matatepar ku heni a maru', Kalamkam malakapahay a malacabay ku heni, terepsa ci Bahi mabana' ci Hanaan a misanga tu maamaan, ci Hana hatu i, masababainay ku wayway, mihakulung ci Bahian a tahekal a mihulul, saremiomad saan a mihakulung. Tuya cacay a remiad hakulungen ni Hana ci Bahi a taheka a mihulul, a mana'un a taluma', maanen naca a misakalabi cira, a mana'un ku win a taluma' sisa makalah a taluma'.

Nika caay hen kangalay a taluma' kaku ira! Mahaen ku nipi'uter ni Hana i ci Bahian, anu mahaen katayni i luma' nu niyam a mihulul satu. Caay pakadungdung tu nikaletu ni Hana hayi satu. simsim sa ci Bahi mimaan pihaceng a mana'un tu a manaay a taluma' hakiya satu.

Tangasa satu i panan nu luma' na Bahi, mapacekuk ci Hana, mapacekuk a makamelaw tira mabuhabuhangay a luma', awawaay ku maamaan naca i nipateli nu luma', tayra satu ci Bahi i aniba a misawsaw tu belac a misakalabi, miciyan tu dating, maekek ci Hana a makamelaw suwal satu: waw!

Mabana' kisu, kahemekan, a maanenaca saw! U demak nu maku kini sisa kalamkamsa a midemak. U mawmahay ku matu'asay nu maku, caay ka hakuwa ku pida, yu ruma taheceremsa a mawmah, akutu ku pataduay i tu henian a miherek tu demak nu luma', hakuwa ku nika'utang a taluma' tu kalabian, taluma'aca a malabi, makumud amin ku lalabu nu luma' a mimelaw tu tilibi, makakungku, masasuwal. Tengil sa ci Hana manglay a malalaluma'an a malecapu a ma'urip. Tu namahaen hina tayratu ci Bahi i luma' na Hana a mihulul sipicakay nu win a ni hana tu sasalaman, caay pakasimsim ci Bahi tadabangcal ku luma' na Hana, dadahal, sipapatelian tu cudad, sasalaman, tadabangcal tu. Hakuwa hakiya ku ngalay nira balucu' ni Bahi, a mahaen ku lalabu nu luma'. Waw! Bangcal ku luma' nu misu, maamaan naca u 'urip nu misu ku ka'ulahan nu maku, saremiad saan a mahekulul atu lalabu nu luma' a ma'urip, caay ka haen aku, sacacay saan awaay ku pacabayay. Adihay ku demak nu win a saremiad saan i hekal, mabuti'tu kaku itiya a taluma', caacaay pacabay i takuwan a mimaamaan, u bayi tu ku pacabayay, sisa caay kangalay kaku a taluma', sisa mahaen a misalama tu sasalaman, sipicakay nu win a tu cudad, maaini tu a mimelaw tu maamaan a cudadan.

分享

還記得就讀一年級的第一天，Bahi 和 Hana 因為太高被排在一起坐，兩個人很快的變成了好朋友。有天放學時 Hana 又邀 Bahi 一起出去玩，不要那麼快就回家，於是 Bahi 說：「不然你來我家玩好了！」此時的 Bahi 的心中有了個疑問，為什麼 Hana 常常放學回家後都不想回家呢？

到了 Bahi 家門口時，Hana 有點驚訝，因為 Bahi 家有些偏僻破舊，原來 Bahi 的父母都是農人，經濟環境不是很好，雖然父母工作很忙，但總會在晚餐時間趕回到家，一起用餐、看電視、聊天，Hana 聽了之後好羨慕。

之後，Hana 就邀了 Bahi 到家裡玩，沒想到 Hana 家竟然是透天別墅，看的 Bahi 羨慕地說：「哇！希望我家也這麼美。」沒想到 Hana 說：「但是我反而喜歡你家那種溫馨的感覺。」原來 Hana 的父母在她小時就分開了，而從商的媽媽因為工作繁忙，常忙到深夜才回到家，才導致感受不到家庭溫暖的 Hana 放學後不想回家。兩人更了解彼此家庭的環境後，感情也更加深厚了。此時 Bahi 決定以後要常常邀 Hana 回家吃飯，而 Hana 也常常和 Bahi 一起玩玩具，分享媽媽買給她的所有的圖書呢。